

Այդ ժամանակ առանձին կամ քչւորով չէր կարելի ճանապարհորդել. Աջարայի եւ Լիվանայի լազերը շարունակ կողոպտում էին անգէն ժողովրդին: Ուստի մեզ առաջնորդում էին մեր արիւնակից եօթը զինւած կտրիճներ, որոց ղեկավարում էր մեր կընքահայրը՝ Թէլի-Ակոն: Դեսպակի լուսամուտից անվերջ դնում էի չորս բոլորս նրկատւած տեսարանները. իսկ մայրս անընդհատ պատասխանում էր հարցերիս: Մայրս լաւ ծանօթ էր ճանապարհին, եւ տգէտ կին չէր: Կէսօրին իջանք Այդր (Յովտակ-Պէգաս) լճակի ափին ճաշելու եւ ձիերին կեր տալու: Լճակի վճիտ ջրերի մէջ լողում էին անթիւ կոճեր (ձուկ), որոնք իրենց ցատկորտոցով ինձ գրաւել էին: Ես հարցրի կնքահօրս թէ՛ - ինչի՞ են Յովտակ անւանել լճակը:

— Լճի յատակում Յովտակներ են ապրում, պատասխանեց ժպտալով:

— Դու տեսե՞լ ես այդ Յովտակներին, ու՞ր են դրանք, ես չեմ տեսնում:

— Դրանք միայն քաջերին են երեւում, որոց տանում են ամպերի վրայով, ուր ո՞ր կամենում են դնալ: Ամէն մարդու աչքի չեն ընկնիլ:

Փոքր հասակից վարժ էի ձի նստելու: Այս Յովտակի առասպելը այնքան խոր տպաւորութիւն ունեցաւ ինձ վերայ, որ ապագայում շարունակ թախանձում էի ծնող-